

ԿՐԿԻՆ ԻՍԱՀԱԿՅԱՆԻ ՀԵՏ

Կրացավ հայ մեծանուն բանաստեղծ Ավետիք Իսահակյանի ծննդյան 115-ամյակը:

Այդ առթիվ երեք տարվա վերակառուցումից հետո կրկին իր դռները բացեց «հայ երգի ստանդակյան Հոմերոսի» տուն-թանգարանը: Այդտեղ էին հավաքվել մայրաքաղաքի հասարակայնության ներկայացուցիչներ, արվեստաբաններ, գրողներ, հյուրեր:

Տուն-թանգարանում ներկա գրողներվողները մեծ հետաքրքրությամբ ծանոթացան նոր ցուցադրանմուշներին, որ առաջին անգամ իրենց մշառական գրանցումն ունեցան հայրենի օջախում: Իրանի ստալինյան բռնապետության ժամանակաշրջանում արգելված ստեղծագործություններն են, հայդուկային երգերը,

որոնց մեծ մասը տպագրվել է «Իրոշակում», բանաստեղծի անձնական իրերը, արտասահմանից բերված գրականություն, փաստաթղթեր:

— Մեծ վարպետի տուն-թանգարանը վերակառուցումից հետո կրկին դարձավ մեր ազգի սիրված այցելավայրերից, մշակույթի արժեքավոր և մեզ համար կարծես սրբատեղի դարձած օջախներից մեկը, — ասաց ակադեմիկոս Էդուարդ Զրբաշյանը:

Ներկա գտնվողները մեկ անգամ ևս լսեցին մեծ բանաստեղծի կենդանի խոսքը: Վարպետի տուն-թանգարանի վերակառուցման գործում ցուցաբերած հոգատարության համար շնորհակալական խոսք ասաց բանաստեղծի որդին՝ Վիգեն Իսահակյանը: